

LETTRE

D E

LA ROYNE

A U

PARLEMENT

DE BRETAGNE.



A LYON,

Par IEAN POYET, l'ouxtela coppie
Imprimee à Paris.

1614.

AVEC PERMISSION.

13 pp coll. m. l.

LETTRE

D E

LA ROYNE

N 2

PARLEMENT
DE BRETAGNE



A L Y O Y

Par Jean Foyet, l'ancien copiste
Imprimeur à Paris.

1 6 1 4
AVEC PERMISSION



LETTRE DE

LA ROYNE,

Au Parlement de Bretagne.



ESSIEURS,

Je ne m'estois point
hastee de vous escrire
sur le sujet du parlement de ceste
Cour de mon Nepueu le Prince de
Condé, & des autres Princes qui en
mesme temps s'en sont aussi retirez,
d'autant que mondit Nepueu ayant
pris congé du Roy, Monsieur mon

filz, & de moy, avec promesse de re-
uenir toutes & quantesfois qu'il en
seroit requis, pour le bien de son ser-
uice, & les autres aussi ayant faict le
semblable: l'ay creu que cest eslon-
nement estoit plustost pour visiter
leurs maisons, & se donner le plaisir
de la chasse, pour quelque temps;
comme mondit Nepueu & les autres
ont faict souuent, que pour aucun
autre dessein: Neantmoins ayant
apprins plustost par bruit commun
que par aucun autre aduis que i'ay
eu de leur part, qu'ils monstrent
auoir quelque mescontentement.
l'ay faict ce qui m'a esté possible
pour m'en esclaircir plus particulie-
rement, & avec d'autant plus de
soing que ie croy qu'ils en ont moins
de

de sujet : Car s'ils se pleignent pour
ce qui est de leur interest particu-
lier, ie puis dire avec verité, que
mondit Nepueu & tous lesdicts
Princes ont tousiours esté autant
bien veus, caressez, accueillis & ho-
norez par le Roy Monsieur mon fils
& par moy, qu'ils le sçauroyent rai-
sonnablement desirer. Et pour ce
qui touche l'administration des af-
faires, outre que par la forme ordi-
naire que nous y obseruons, tous les
Princes Ducs & officiers de la Cou-
ronne sont admis aux Conseils qui
se tiennent pour cest effect. Il est bien
certain qu'il ne s'est proposé, traicté,
ny negocié aucunes affaires impor-
tantes que lesdicts Princes, & specia-
lement mondit Nepueu, ny ayent

toufiours esté appellez , & mefmes
qu'elles ont esté fouuent differees &
remifes pour attendre leur commo-
dité & prefence, & d'auantage pour
le regard de la diftribution des gra-
ces & bien-faicts , chacun d'eux en
leur particulier, & tous ceux qui ont
esté recommandez de leur part, en
ont receu de fi bons, aduantageux
& vtiles effects, qu'ils n'auroyent
raison de s'en plaindre. Si puis apres
il eft question des affaires generalles,
elles ont esté administrees depuis la
mort du feu Roy Monfeigneur, de
telle forte, qu'il fe peut recognoiftre
que nous n'auons rien obmis de ce
qui pouuoit feruir au bien, grandeur
& reputation de ceste Couronne,
ayant prins foing pour le dehors de
con

conferuer les amitiéz & alliances d'icelles avec tous les Princes & Estats voisins: Ce qui par la grace de Dieu nous a succédé si heureusement, que iamais elles ne furent en meilleur estat. Et pour ce qui est du dedans du Royaume, ayant donné ordre, (comme chacun sçait) à faire obseruer soigneusement tous les Edicts de Pacification entre les subjects du Roy Monsieur mon fils, & de maintenir & conferuer tousiours entre eux vne bonne paix, vnion, repos & tranquillité; outre que i'ay apporté tout ce qui estoit en mon pouuoir, pour le soulagement du peuple, & puis dire en auoir eu tant de soing, qu'encores que nous ayōs esté chargez de grandes & excessiues despen-

ces : neantmoins l'on n'a faict aucunes leuees ny impositions extraordinaires, & qu'au contraire il se trouuera qu'elles ont esté diminuees en plusieurs occasions. Et d'auantage nous auons maintenu & conserué tous les autres ordres & estats, chacun en leur autorité & fonction accoustumee ; tellement que ie ne puis cognoistre quel veritable fondement lesdits Princes, ny autres, puissent prendre de se plaindre, ny pour le general, ny pour le particulier: Neantmoins considerant bien que ceste retraicte avec ces tesmoignages de mescontentemét, & les bruiets qui s'espendent & augmentent à ceste occasion, pourroyent produire de mauuais effects dans les prouinces,

au

au preiudice du repos public. l'ay
 desiré prendre sur ce, les moyens
 les plus conuenables pour y reme-
 dier. Et pour cest effect ayant faict
 assembler les Princes, officiers de la
 Couronne, & principaux du Con-
 seil qui sont près de nous. l'ay re-
 solu par leur aduis d'enuoyer mon
 Cousin le Duc de Ventadour, & le
 sieur de Boissise Conseiller au Con-
 seil d'Estat du Roy monsieur & fils,
 vers mondit Nepueu le Prince de
 Condé, pour le conuier & prier de
 reuenir aupres du Roy mondit sieur
 & fils, & de moy, pour y prendre
 & tenir le lieu & rang qui est deub
 à sa qualité, & nous y donner ses
 conuers & assistance sur toutes ces
 occurrences, mesmes sur les grands

& importans affaires que nous auons sur les bras , à quoy i'espere qu'il se resoudra a leur arriuee aupres de luy , suyuant la promesse qu'il en a faite à son parlement : Et en suite de ce , pour monstrier clairement la verité & sincerité de mes actions passees , & rechercher les voyes qui sont les meilleures , pour donner vn bon ordre & affermissement au bien de cet Estat pour l'aduenir , mesmes sur l'entree de la majorité du Roy , mondit sieur & fils. I'ay aussi estimé à propos de faire faire vne conuocation des principaux de tous les ordres & estats de chacune prouince de ce Royaume pour en faire vne notable assemblee , en laquelle l'on puisse prendre

dre les resolutions conuenables à la dignité d'icelle, & au sujet pour lequel nous la ferons conuoquer. C'est ce que ie vous puis escrire pour le present sur le sujet de ce qui se passe de deça, & dont ie vous prie de tenir aduertis ceux qui sont dans l'estenduë de vostre ressort, afin que chacun face son deuoir en sa charge, & prenne garde que toutes choses soyent contenuës sous l'autorité & obeissance du Roy mondit sieur & fils, & l'obseruation de ses Edits selon l'ordre accoustumé, sans qu'il y soit apporté aucune nouveauté, ny alteration, s'opposant à tous ceux qui voudroyent en quelque sorte que ce soit troubler le repos de l'Estat; Et comme nous escriuons

à toutes les villes principales de la prouince de Bretagne, pour les aduertir de se tenir sur leurs gardes, & de ne donner aucun lieu à aucunes pratiques & menees qui se pourroyent faire en icelles, au preiudice de leur repos & du seruice du Roy mondit sieur & fils: nous desirons que vous teniez la main qu'ils y satisfacent, & y employez l'autorité de vostre Parlement autant qu'elle y sera requise, comme aussi en toutes autres choses qui importeront au public & à l'autorité Royale de mondit sieur & fils: Ainsi que nous nous asseurons que vous sçaurez bien faire, & nous en reposons sur vous: que ie prie Dieu auoir, Messieurs, en sa sainte & digne garde.

Escrit

Escrit à Paris le treziesme Feurier,
mil six cents quatorze.

Signé

MARIE.

Et au deffous,

POTIER.

& suscrite,

*A Messieurs les gens tenans la Cour
de Parlement de Bretagne pour le Roy
monsieur & fils.*

